

Gvangjsih Minzcuz Cunghconh Gawjbanh Lai Cungj Hozdung Angqhoh Ciet “Sam Nyied Sam Bouxcuengh”

广西民族中等专业学校举行丰富多彩活动庆祝“壮族三月三”歌节



▲ Swcigih fucuzsiz Lanz Denhliz yawjngonz gij doxgaiq minzcuz gunghyi hagseng guh haenx.



▲ Gyoengq hagseng diuq fouxsaux.



▲ Hagseng bouxhek caez diuq fouxdohyeh.

4 nyied 21 hauh, Gvangjsih Minzcuz Cunghconh(Gvangjsih Sawcuengh Yozyau、Gvangjsih Minzcuz Gauhcungh) aeu “hungzyangz conzdungj vwnzva, caez laeb hagdangz gyaunde” guh cawjdaez, gawjbanh “sam nyied sam Bouxcuengh” minzcuz doxgiet cinbu gyauhliuz caeuq hagdangz minzcuz vwnzva langhbaij hozdung. Ngoenzde, ndaw hagdangz nauhyied dangqmaz. Banhaet, hagdangz hai hoih hong minzcuz gyauyuz gyauhliuz, cingj boux minzcuz cunghyoz lingjdauj sengi rog daeuj daengz hagdangz guh gyauhliuz, damqlwnh gij vwndiz minzcuz gyauyuz fazcanj. Ndaw hagdangz guh lai cungj lai yiengh minzcuz vwnzva diyyuz hozdung: Guh vwnzyi byaujyenj, doiq fwen, diuq fouxsaux、diuq fouxdohyeh, bau aendomq, dwk lwgyangq, ciengj bauqva; canjlanj minzcuz gunghyi meijsuz cozbini hagseng, canjlanj gij doz minzcuz doxgiet cinbu gyauyuz haenx.

Lajbyonghgoenz, swcigih fucuzsiz Lanz Denhliz daeuj daengz ndaw hagdangz caeuq gyoengq saeseng angqhoh ngoenzciet, de yawj hagseng guh byaujyenj, yawj le minzcuz gunghyi meijsuz cozbini caeuq gij doz minzcuz doxgiet cinbu gyauyuz canjlanj haenx, haenh hagdangz guh hong minzcuz vwnzva gyauyuz guh ndaej ndei raixcaix.

(Veiz Yennaz/韦愿娜)



▲ Vwnzyi byaujyenj ndei yawj raixcaix.

Hinghyez Gawjbanh Gaiq Daih'it Ciet Fwen Sam Nyied Sam Canghfwen Eu Fwen Doxdax 兴业举行首届壮乡三月三山歌歌王大赛

4 nyied 16 hauh, Hinghyez Yen youq bonj yienh Sanhsinh Cin Yauguj Cunh Mbanjczangdzangz gawjbanh gaiq daih'it Mbanj-cuengh ciet fwen sam nyied sam canghfwen eu fwen doxdax. Daengx yienh 13 aen cin miz 15 aen doih camgya doxdax. Gyoengq canghfwen aeu gij fwen yenzswngdhai haenx, senhconz dangj cibbet daih cingsaenz、lajmbanj swngdhai、seveicujyi haedsim gyacizgvanh, danqhaenh minzcuz cwngecwz dangj. Eu fwen doxdax yienhciengz nauhyied dangqmaz, yinx haujlai vunz daeuj yawj, ndaej daengz vunzlai haenhndei. Ndaw doz dwg gyoengq canghfwen youq gwnz daizfwen doxdax eu fwen.

(Hoz Saufung/何少凤)



Lingzconh: Nungzminz Hozcozse Dajgai Souhaeuj 7.8 Ik Maenz 灵川:农民专业合作社年创7.8亿元销售额

灵川:农民专业合作社年创7.8亿元销售额



▲ Lingzconh Yen Danzya Cunh Mbanj-vangzbowz, gyoengq hozcozse seyenzyaengq swiq makgam, yæk cang haeuj sieng gai bae diegrog.

Geij bi neix daeuj, Lingzconh Yen comzrengz gungganq ginghyingz cuj-dij moq, nungzminz conhyez hozcozse caeuq gyahdingz nungzcangz faz-canj miz 230 lai aen, haeuxgwn gyagoeng giyez dabdaengz 20 lai aen, guhbaenz aen mozsi lai cungj canjyez “giyez + hozcozse + gihdi + nungzhoh” neix. Seizneix, hozcozse miz 1.2 fanh aen hoh. Dandan dwg bi' gvaq, daengx yienh nungzminz hozcozse gai doxgaiq reih-naz souhaeuj couh ndaej 7.8 ik maenz.

(Lingzconh)